

*Orde do 20 de novembro de 2009 pola que se amplía a dotación orzamentaria da Orde do 24 de xuño de 2009 pola que se establecen as bases para a convocatoria, en réxime de concorrencia competitiva, das subvencións correspondentes aos programas sectoriais de investigación aplicada, PEME I+D e I+D Suma do Plan Galego de Investigación, Desenvolvemento e Innovación Tecnolóxica (Incite), e se procede á súa convocatoria para o ano 2009.*

A Orde do 24 de xuño, publicada no *Diario Oficial de Galicia* nº 130, do 6 de xullo, establece as bases para a concesión, en réxime de concorrencia competitiva, das subvencións correspondentes aos programas sectoriais de investigación aplicada, PEME I+D e I+D Suma do Plan Galego de Investigación, Desenvolvemento e Innovación Tecnolóxica (Incite) e procede á súa convocatoria para o ano 2009.

No seu artigo 5 precísanse as aplicacións orzamentarias e os importes previstos para o financiamento das devanditas subvencións e establece que se no transcurso do exercicio 2009 se producen variacións orzamentarias que permitan unha maior dispoñibilidade orzamentaria, poderanse conceder máis subvencións de acordo coa orde de prelación de solicitantes que resulte da aplicación dos criterios establecidos nos artigos correspondentes da orde de convocatoria.

Co obxecto de poder amparar un maior número de solicitudes, e posto que a dotación inicial resulta insuficiente, tramítase o correspondente expediente de ampliación de crédito, polo que cómpre, mediante esta orde, ampliar a dotación orzamentaria para a anualidade 2009 consignada inicialmente para a concesión das mencionadas subvencións.

Consecuentemente con todo o anterior, en exercicio das facultades que me confire o artigo 34 da Lei 1/1983, do 22 de febreiro, reguladora da Xunta e da súa Presidencia,

#### DISPOÑO:

Artigo único.

1. Amplíase a dotación orzamentaria que se establece na Orde do 24 de xuño de 2009 (*Diario Oficial de Galicia* nº 130, do 6 de xullo), pola que se establecen as bases para a concesión, en réxime de concorrencia competitiva, das subvencións correspondentes aos programas sectoriais de Investigación aplicada, PEME I+D e I+D Suma do Plan Galego de Investigación, Desenvolvemento e Innovación Tecnolóxica (Incite) e procede á súa convocatoria para o ano 2009.

2. O incremento da dotación será o que a continuación se detalla:

Aplicación orzamentaria	2009
40.02.561A.740.0	105.000 €
40.02.561B.744.0	25.000 €

Santiago de Compostela, 20 de novembro de 2009.

Javier Guerra Fernández  
Conselleiro de Economía e Industria

*Resolución do 18 de novembro de 2009 pola que se procede á publicidade das subvencións concedidas ao abeiro da Orde do 18 de xuño de 2009 pola que se establecen as bases reguladoras para a concesión, en réxime de concorrencia competitiva, de subvencións a empresas galegas para a adquisición de equipamento industrial, e se procede á súa convocatoria (procedemento administrativo IN530B, Diario Oficial de Galicia número 122, do 24 de xuño de 2009).*

O conselleiro de Economía e Industria, con data do 16 de novembro de 2009, ditou resolución das subvencións concedidas ao abeiro da Orde do 18 de xuño de 2009 pola que se establecen as bases reguladoras para a concesión, en réxime de concorrencia competitiva, de subvencións a empresas galegas para a adquisición de equipamento industrial.

O artigo 12 das bases reguladoras da orde dispón no seu punto 4: «Todas as resolucións serán notificadas, de acordo co establecido na Lei 30/1992, do 26 de novembro. Non obstante, e de conformidade co establecido no artigo 59.6º b) da indicada lei, poderase substituír a notificación individual pola publicación no *Diario Oficial de Galicia* e na páxina web da Consellería de Economía e Industria. Nesta publicación especificarase a data de convocatoria, o beneficiario, a cantidade concedida e a finalidade da subvención outorgada. Coa publicación no DOG poderá remitirse aos beneficiarios a que consulten información detallada da resolución nun taboleiro da citada web.

As solicitudes desestimadas notificaranse individualmente, con indicación das causas de desestimación. Non obstante, poderase substituír a dita notificación individual pola publicación no DOG, coa indicación de que os non beneficiarios consulten a información detallada da súa resolución nun taboleiro da citada web».

Na súa virtude,

#### RESOLVO:

1. Ordenar a publicación, no *Diario Oficial de Galicia*, da relación de beneficiarios de subvención. Esta relación figura como anexo desta resolución.

Todos os beneficiarios que se recollen no anexo poderán obter información detallada da súa resolución accedendo ao taboleiro electrónico dispoñible no enderezo da internet: <https://axudasindustria.xunta.es/att>.

Os solicitantes que non aparecen no devandito anexo deberán entender que non lles foi concedida a subvención e poderán obter información detallada da súa resolución accedendo ao citado taboleiro electrónico.